



355
66



INNOCENTIVS PP. XI. AD PERPETVAM REI MEMORIAM.



VM in lucem prodierint quidam Libri Authore Natali Alexandro Fratre Ordinis Prædicatorum Parisijs impressi, videlicet alij in sexdecim Volumina distributi, & à primo vsque ad duodecesimum sæculum inclusiuè editi, sub titulo, *Selecta Historiæ Ecclesiasticæ Capita*, & in loca eiusdem insignia.

Dissertationes Historica, Chronologica, Critica, Dogmatica; Alij verò in quatuor Opuscula diuisi, sub titulis.

Summa S. Thomæ vindicata, Dissertationum Ecclesiasticarum trias, &c.

Dissertatio polemica de Confessione Sacramentali, &c. & contra Launoianas circa Simoniam Observationes Animaduersio: Quamplures autem ex Venerabilibus Fratribus nostris S. R. E. Cardinalibus ad eorundem Librorum examen, vna cum nonnullis in Sacra Theologia Magistris à Nobis specialiter delecti, auditis dictorum Theologorum, maturèque discussis sententijs, omnes Libros prædictos (si ita Nobis placeret) prohibendos, & condemnandos esse, vnanimi consensu censuerint. Hinc est quoddam Nos creditum Nobis à Domino Pastoralis curæ, atque vigilantæ munus quantum Nobis ex alto conceditur salubriter exequi cupientes, de eorundem Cardinalium consilio, ac etiam motu proprio, & ex certa scientia, ac matura deliberatione nostris, deque Apostolicæ potestatis plenitudine, omnes, & singulos Libros supradictos tenore præsentium damnamus, & reprobamus, ac legi, seu retineri prohibemus ipsorumque Librorum omnium, & singulorum impressionem, descriptionem, Læctionem, retentionem, & Vsum omnibus, & singulis Christi fidelibus, etiam specifica, & indiuidua mentione, & expressione dignis, sub pœna excommunicationis per contrafacientes ipso facto absque alia declaratione incurrenda, à qua nemo à quouam, præterquam à Nobis, seu Romano Pontifice pro tempore existente, nisi in mortis articulo constitutus solutionis beneficium valeat obtinere, omninò interdiciamus. Volentes, & Apostolica auctoritate mandantes, quicunque Libros prædictos, vel eorum aliquem penes se habuerint, illos, seu illum statim atque præsertim litteræ eis innotuerint, teneantur tradere atque consignare locorum Ordinarijs, vel hæreticæ prauitatis istoribus, qui exemplaria sibi sic tradita illicò flammis aboleri curent; In contrarium facientibus non obis quibuscumque. Vt autem ipsæ præsentis litteræ omnibus faciliùs innotescant, nec quisquam illarum ignorantiam allegare possit, Volumus, & auctoritate prædicta decernimus illas ad Valuas Basilicæ Principis Apostolorum, ac Cancellariæ Apostolicæ, & in Acie Campi Floræ de Vrbe, per aliquem ex Curforibus nostris, vt moris est, publicari, illarumque exempla ibidem affixa relinqui; Sic verò publicatas omnes, & singulos quos concernunt, perindè afficere, & arctare, ac si vnicuique illorum personaliter intimatæ, & notificatæ fuissent: earundem autem præsentium litterarum transumptis, seu exemplis etiam impressis, manu alicuius Notarij publici subscriptis, & sigillo personæ in Ecclesiastica dignitate constitutæ munitis, eandem prorsus fidem tam in iudicio, quam extra illud vbique locorum haberi, quæ ipsis præsentibus haberetur, si forent exhibita, vel ostensa, Datum Romæ apud Sanctum Petrum sub Annulo Piscatoris die x. Iulij M. DC. LXXXIV. Pontificatus nostri Anno octauo.

Loco † Annuli Piscatoris;

I. G. Slusius.

Die 13. mense Iulij 1684. supradictum Breue affixum, & publicatum fuit ad valuas Basilicæ Principis Apostolorum Palatij Sancti Officij, & in acie Campi Floræ, ac alys locis solitis, & consuetis Vrbe per me Franciscum Perinum Sanctiss. N. Pape, & Sanctissima Inquisitione.

Typographia Reuerendæ C. meræ Apostolicæ, MDCLXXXIV

VNIERSIDAD
DE SALAMANCA
CRIBOS USAL. ES